



Ljudi, Allah je od vas odstranio džahilijetsku oholost i hvalisanje precima

Od Ibn Omera, radijallahu anhuma, se prenosi da je Allahov Poslanik, sallallahu alejhi ve sellem, održao ljudima hutbu na dan osvojenja Mekke, pa im je kazao: "Ljudi, Allah je od vas odstranio džahilijetsku oholost i hvalisanje precima. Ljudi se mogu podijeliti u dvije skupine: dobri i pobožni ljudi koji kod Allaha vrijede i nepokorni i nesretni ljudi koji kod Allaha nemaju vrijednosti. Svi ljudi potiču od Adema, a on je stvoren od zemlje. Uzvišeni je kazao: 'O ljudi, Mi smo vas od muškarca i žene stvorili i plemenima i narodima vas učinili da biste se prepoznavali. Najugledniji od vas kod Allaha je onaj koji Ga se najviše boji; Allah je, uistinu, Onaj Koji sve i u potpunosti zna.' (el-Hudžurat, 13.)"

[صحيح] [رواه الترمذي وابن حبان]

Allahov Poslanik, sallallahu alejhi ve sellem, održao je hutbu ljudima na dan osvojenja Mekke pa je kazao: "O ljudi, Allah je od vas odstranio džahilijetsku oholost, zanos i hvalisanje precima. Ljudi se mogu podijeliti u dvije kategorije: Prva: Pobožni i bogobožni vjernici koji se samo Allahu pokoravaju. Takvi imaju izrazitu vrijednost kod Gospodara, makar i ne imali društvenog ugleda i porijekla. Druga: Grešni i nesretni nevjernici koji su kod Allaha poniženi i nemaju nikakve vrijednosti, makar i imali ugled u društvu i vlast. Adem je praotac cijelom čovječanstvu. Uzvišeni je njega stvorio od zemlje, pa ne priliči onome ko je stvoren od zemlje da se nadmeno ponaša i da bude samodopadljiv. Potvrdu toga možemo pronaći u riječima Uzvišenog: "O ljudi, Mi smo vas od muškarca i žene stvorili i plemenima i narodima vas učinili da biste se prepoznavali. Najugledniji od vas kod Allaha je onaj koji Ga se najviše boji; Allah je, uistinu, Onaj Koji sve i u potpunosti zna." (el-Hudžurat, 13.)

<https://www.sunnah.global/hadeeth/bs/show/65074>

